

M108S: Herzog Ernst A (S)

- 0,1 Was daz mere vil lip
0,2 sich vrowte alle div diet
0,3 OTto der kvnic gvot
0,4 vrowte sere sinen mvot
0,5 Do er rehte vernam .
0,6 vmb div vrowe lustsam
0,7 Div minneclichen boteschaft
0,8 do hiez er mit craft
0,9 Sine brautloft stiften .
0,10 vnd gebot in allen gerihten .
0,11 Mit michelem lobe
0,12 den vurstē zvo houē
0,13 Do quamen si zesamene
0,14 si hvben sich mit megene
0,15 Hin nah der vrowen
0,16 do mohte man schowen
0,17 Manigen riter gemeit
0,18 do div herzoginne adelheit
0,19 Dem keiser zv wibe wart gegeben
0,20 do reit manig dietdegn .
0,21 Spilende mit dem schilde
0,22 do was daz gevilde
0,23 Mit helden bevangen .
0,24 do hubn si sich dannen
0,25 Zvo megynze an div herberge
0,26 vil michel was menige
0,27 in romischem riche
0,28 En ne wart nie grozer hof
0,29 do was sanc vnd lost
0,30 Wnne vnd ere
0,31 des was der kvnic here
0,32 Gelobt in manigem lande
0,33 do gab er den wiganden
0,34 Phellel . div breiten
0,35 moRe mit den gereiten
0,36 Golt vnd silber
0,37 vnd ander zierde manicfalde
0,38 Di hiez er in voR tragen

0,39 iv kan nieman gesagen
0,40 Di wne di si heten .
0,41 Mit eren si do lebten
0,42 Do div brutloft was getan
0,43 di herren begonden vuor gan
0,44 Vnd namen vrlop
0,45 do zerginc der michele hof
0,46 Witener wegene
0,47 di twrlichen degene
0,48 Di schiden sich alle vil vro
0,49 dannen reit der kvnic do
0,50 Mit der vrowen wolgetan
0,51 iz was im harte wol ergan
0,52 DEr romiske here
0,52a [...] [...]
0,53 do gap er im schone
0,54 Mit keiserlicher gabe
0,55 vnd allen den z ware
0,56 Di im gevolgeten dare
0,57 do wart der degen wol geware
0,58 Daz er n mit triwen meinte
0,59 wi dikke er im bescheinte
0,60 Manige ueterliche dinc
0,61 als sin eigenes kint
0,62 Hielt er den herren
0,63 er half ouch siner eren
0,64 Swo er z mohte getvn
0,65 beide spate vnd vrvo
0,66 Des was er in michelm lobe
0,67 in hiez vil dikke da zv houe
0,68 Der keiser an sinen rat gan .
0,69 do konde wol der kvne man
0,70 Sprechen mit sulchen zvchten
0,71 daz iz mit eren hoRen mohte
0,72 Der keiser vnd daz riche
0,73 er redete wislichen
0,74 Swes so er begvnde
0,75 der helt wol kvnde
0,76 Aller slachte vrvomekeit
0,77 er was zv aller zit gemeit
0,78 ERnist der herczoge
0,79 mohte wol da zv houe
0,80 Der keiser was im gvt
0,81 vnd tet im libes gnvoc
0,82 Daz vordiente der degn mere
0,83 vmb den kvnic heren
0,84 Swa er s bedoRfte zvo der not .
0,85 des gap er im daz golt rot

0,86 Dikke ane wage
0,87 mit triwen si do waren
0,88 Gvte vrunt daz ist war
0,89 mit eren vil manig iar
0,90 Daz sie nie wurde geuee
0,91 diz tet eim heinriche woe
0,92 Der was ein des keisers neue
0,93 vnd sin ratgebe
0,94 Der het di phalinze bi rine
0,95 der begonde den helt niden
0,96 Von keiner slachte schulde
0,97 wen daz er des keisers hulde
0,98 Also wol hete
0,99 do gedaht er waz er tete
0,100 Daz er s im vntwente
0,101 vnd in so geschente
0,102 Daz er m von herzen worde gram
0,103 wend man ze houe niet vernam
0,104 Also wol so do beuorn
0,105 diz was im leit vnde zoRn .
0,106 Do begynt der vngetrwe man
0,107 mit listen voR den kunic gan
0,108 Er sagt im werlichen
0,109 in wolde von dem riche
0,110 Der herzoge stozen
0,111 er hube sich so groze
0,112 “Im sint di vursten alle holt”